

TONG yulduzi

O'zbekiston Respublikasi bolalari va o'smirlari gazetasi

Gazeta 1929-yil 1-avgustdan chiqib boshlagan

2006-yil 6 - 12 mart N:10 (66551)

Muassislar:

O'zbekiston Matbuot va
axborot agentligi,
O'zbekiston Respublikasi Xalq
Ta'limi Vazirligi,
«KAMOLOT» Yoshlar
Ijtimoiy Harakati,
«SOG'LOM AVLOD
UCHUN» Hukumatga
qarashli bo'lmagan xalqaro
xayriya jamg'armasi.

SAHIFALARDA

MAKTABDA OCHIQ DARS



5

-BETDA


OPA-SINGILLAR ZAFARI



6

-BETDA

«MEN «JUJUL» MINAMAN...»



8

-BETDA

TURNALAR QAYERDA UCHADI?

Aziz bolajonlar, yaqin orada mamlakatimizning Bosh maydonida bo'ldingizmi? Bo'lmagan bo'lsangiz, albatta boring! Afsuslanmaysiz. Maydondan bir olam hayajon bilan qalbingiz faxr va iftixorga to'lib qaytishiga mana biz kafil.

«Vatanimiz yuragi» deya ta'rif berilayotgan Mustaqillik maydonining qiyofasi shu kunlarda tanib bo'lmay o'zgarib ketdi.

Yer sharida bizning ham o'z o'rnimiz, sarhadlarimiz, yerimiz, suvimiz borligini anglatib turuvchi mustaqillik va ezgulik monumenti poyida boqib turgan farzandiga mehr bilan «Baxtiyor Ona» monumenti qad qanday ramziy onalarining quvnaib, unib-baxtiyorligini.


Ezgulik va Baxtiyorlik monumentiga eltuvchi oppoq yo'lakning boshida kumushday oq ezgulik arkasi.

Baxtiyorlik haykali

rostladi. Buning ma'nosi bor? Bu - mustaqil yurtimiz bag'ri butunligi, ularning quchog'ida o'sayotgan siz bolajonlarning gizga bir ishoradir.

Uning ustida esa parvozga chog'lanayotgan oppoq turnalar.

Xo'sh bolajonlar, turnalar qayerda uchadilar? Tinchlik barqaror



bo'lgan yurtning osuda, musaffo osmoni uzra parvoz qiladilar ular, shunday emasmi?..

Demak, turnalarning siymosi ham bejiz yaratilmagan. Yurtimiz tinch bo'lsin-u, samo uzra turnalarning «qur-qur»i eshitilib tursin, degan ezgu niyat bor uning zahirida.

Arka-yu yo'laklarning oqligi-chi, bu nimaning belgisi?

Odatda orzu-niyatlar haqida gapiradigan bo'lsak, ularning oldiga albatta «oppoq» so'zini qo'shib aytishga aytamiz. Shunday ekan, maydondagi oqlik - ota-onalaringiz, buva va buvilaringiz, qo'yingchi, xalqimizning beg'ubor, oppoq orzulari ramzidir.

YOSHLIKDA OLINGAN BILIM...

Quyi sinflarda o'qib yurgan kezlaringda ustozimiz, ko'proq o'qinglar, yoshlikda olingan bilim toshga o'yilgan naqshdir, deya ko'p takrorlardilar. To'g'risi, men bu gaplarning ma'nosiga to'liq tushunib yetmasdim.

Hozir 5-sinfda tahsil olayman. Ustozimning nasihatlarini juda o'rinni ekanligini endi anglab yetayman. Chunki ulardan o'rganganlarim o'quv dasturlarimiz kundan-kunga murakkablashib borayotgan ayni damda juda asqotyapti-da.

Ustozlar bizga xuddi ota-onamizdek mehribon. Yutuqlarimizdan astoydil quvonishadi, kamchiligimizdan kuyunishadi. Biz tufayli yuzlariga ajin tushadi, sochlariga oq oralaydi.

Men maktabimizda mehnat qilayotgan, bizga bilim berayotgan barcha muallimlarimizni Xalqaro xotin-qizlar bayrami bilan chin dildan muborakbod etmoqchiman. Avvalo oilalari, farzandlari, qolaversa, biz shogirdlari baxtiga doimo sog' va omon bo'lishsin!

Marg'uba JO'RAYEVA,

Andijon viloyati, Ulug'nor tumanidagi

14 - umumta'lim maktabining 5-«A» sinf o'quvchisi.

KO'KLAM MUBORAK!

O'zining go'zal tarovatini ko'z-ko'zlab, yashil sepini yoyib bahor keldi. Dalalarimizda boychechak ochilib, maysalar ko'kka bo'y cho'zmoqda. Hademay momolarimiz sumalaklar pishirib, bizlarni xursand qilishadi. Axir ko'klamni, sumalakning shirin totini qanchalar sog'indik.

Ko'klamning muborak, Zominim!

Binafsha yuzida tabassum, kulgu,
Jilg'alar labida yalpiz barq urar.
Yurakda, ko'ngilda bahoriy tuyg'u,
Zominim, bu yil ham barorli kelar.



Jahongir JUMABOYEV,

Jizzax viloyati, Zomin tumanidagi 60-o'rta maktabning 7-sinf o'quvchisi.



Toshkent shahridagi 84-maktabning oliy toifali o'qituvchisi Vasila Yunusovani «bolajon ustoz» ham deb atashadi. Sababi, ularni doimo kichkintoylar davrasidan topasiz-da.

Kichkintoylar ham mehribon ustozlarini juda yaxshi ko'rishadi. Shundanmi, ayyom bilan birinchi navbatda ularni qutlashadi.

Muhammad AMIN olgan surat.

ANTIQA -SOVG'A-

Bayram arafasida sinfimizdagi o'g'il bolalar o'zaro shivir-shivir qilib qolishadi. Buning sababi bor albatta. Axir qizlarga sovg'a tayyorlash kerak. O'zaro maslahatlashib, sinfimiz qizlari uchun bayram dasturxonini tashkillashtiradigan bo'ldik. Qizlarga bayram bo'ladigan kunni aytib, kech qolmasliklarini tayinladik... Nihoyat, o'sha kun ham yetib keldi. Biz hammamiz yig'ildik, ammo qizlardan darak yo'q edi. Ko'chada turaverib, zerikib ketgan ba'zi bolalar ichkariga kirib ketishdi. Oradan ikki soat o'tdi hamki qizlar hamon yo'q edi. Toqatimiz toq bo'lib, sinfdoshimiz Nodiraning qo'l telefoniga qo'ng'iroq qildik. Nodira bugun kechaga kela olmasligini, qizlar esa allaqachon yig'ilib, ketishganini aytdi. Qani endi qizlar kela qolishsa... Shunda Botir: «Endi nima qilamiz? Oradan ikki soat o'tib ketdi-yu, ular nega paysalga solishayapti?», deb qoldi.

– Manzilni to'g'ri aytuvmidilaring?–dedi Zokir o'dag'aylab. – Boshqa tomonlarga ketib qolishgan bo'lsa, ana ko'rgin tomoshani...

Xullas, o'sha kuni qizlarni naqd 4 soat kutdik. Keyin tarvuzimiz qo'ltig'imizdan tushib, avvaliga qizlarga sovg'a o'rniga, «o'tirish tashkil qilaylik» deya taklif kiritganlarni, so'ngra, qizlarga manzilni to'g'ri aytmaganlarni rosa «siyladik»... Ertasi kuni maktabga borsak, qizlarning «qovog'idan qor yog'ib» turibdi. Qo'rqa-pisa kecha nega kelishmaganini so'radik. Qizlar avvaliga hayron bo'lib bir-birlariga qarashdi. Aytgan joylarning bordik-ku, bizni aldashga qanday haddilaring sig'di, deya dag'dag'a qila boshladi Shohida. Hech narsaga tushunolmay hayron bo'lib turardik.

Keyin ma'lum bo'lishicha, qizlar «Chinor» nomli boshqa kafega borishgan, biz esa boshqa «Chinor»ning oldida ularni intiq kutgan ekanmiz. Ana shunaqa, bayram arafasida qizlarga «antiqa» sovg'amiz shu bo'ldi...

Sardor MO'MINOV,
Toshkent viloyati, Angren shahri.

BILIMLAR RINGI

Bilim dargohimiz kelajagimiz egalari bo'lgan farzandlari hayotda doimo yo'l boshchidir. Bu maskanda deyarli har k tadbirga duch kelasiz. Shunday tadbirlardan birini biz ant o'tkazishga erishdik. Buning nomi «Bilimlar ringi» deb nomlandi. Bellashuv 6-10-sinflar o'rtasida o'tkazilgan ushbu qiziqarli bahslar shoh va shoir, buyuk inson Zahiriddin Muhammad Boburga bag'ishlandi. Savol-javoblarda o'quvchilarning zukkoligi aniqlandi. Ayniqsa, Boburning Andijon shahrida tug'ilganligi, 12 yoshidan taxtga o'tirganligi hamda buyuk sarkarda Amir Temurning 5-avlodi ekanligi haqidagi ma'lumotlarni qatnashchilar zo'r qiziqish bilan tingladilar. Tadbirga bosh-qosh bo'lgan tarix fani o'qituvchisi Z.Muhammedov boshchiligidagi o'quvchilarimiz tariximizga yana bir bor safar qildilar.

Yorqinjon AZIMOV,
Farg'ona viloyati, Uchko'priq tumanidagi 1-son ixtisoslashgan umumiy o'rta ta'lim maktab-internatining o'qituvchisi.

MARTABIMIZ «YURAGI»

Shanba kuni edi. 2-darsga qo'ng'iroq chalindi. Sinfimizdagi hamma o'g'il bolalar jismoniy tarbiya darsi bo'lmasa-da, sport kiyimlarimizni olib, zalga kirib ketayotgandik. Shu payt jismoniy tarbiya ustozimiz Muqaddas opa kelib, bizni haydab soldilar. Sinfdoshim Umid oldinda ketayotgandi. U eshikni to'satdan yopib qo'ydi va men eshikka boshim bilan urildim. Boshim qattiq og'riqanidan yerga o'tirib qoldim. Sinfdoshlarim bilan o'qituvchimiz meni maktabimiz hamshirasining oldiga olib borishdi. Ular boshimdan oqayotgan qonni tozalab, bint bilan bog'lab qo'yidilar. Keyin: «Tezroq uyiga bor», deb tayinladilar. Dushanba kuni hamshiramiz Jamila opa sinfimizga kirib sog'ligimni so'radilar. Shunda men yaxshi bo'lib qolganimni aytdim.

– Jamila opa, nega boshimdan oqayotgan qonni ko'rib, qo'rqib ketdingiz? Axir maktabda 15 yildan buyon ishlaysiz. Mendan ham battarroq shikastlanganlarni ham ko'rgansiz-ku, – deb so'radim ulardan.

Shunda Jamila opa:

– Ha, sendan ham yomon shikastlanganlarni ko'rganman. Ammo har birinigiz bolamdek bo'lib qolgansizlar, sizlarga hech qachon shikast yetmasin deyman-da, – dedilar. Shundagina men nima uchun ularni maktabimizning «yuragi» deb atashlari sababini bilib oldim.

Farhod SADIROV,
Toshkentdagi 315-maktabning
6-«A» sinf o'quvchisi.



KECHA AYTILGAN GAP

O'qituvchimiz Sarvinoz opa har galgidek sinfimizga kirib kelarkan:

– Oralarigizda quloqsiz bolalar buncha ko'p, – dedilar. Shunda orqa partada chakkasiga qo'lini qo'yib o'tirgan Sardor:

– Ustoz, kecha ham shu gapni aytgandingiz, – dedi beparvo.

«Gur-r» etib kulgu ko'tarildi. Ustozimizning jahli chiqib, tag'in baqira ketdi:

– Jim. Bo'lmasa sinfdan chiqarib yuboraman. Qani Sardor, o'rningdan turib, beri kel-chi. Juda bilag'on ekansan, unda o'tgan kuni nima degan edim?

– Hm-m. O'tgan kunimi, unda ham quloqsiz bolalar juda ko'p degan edingiz.

Yana kulgu ko'tarildi.

Sarvinoz opaning fig'oni falakka chiqib, qani uy vazifangni ko'rsat-chi, dedilar.

Sardor shoshilmasdan sumkasidan daftarini oldida, muallimamizning stoli ustiga qo'ydi.

– Iya, bu avvalgi kundagi uy vazifasi-ku, – ajablendi Sarvinoz opa.

– Nima qilibdi, o'zingiz ham har kuni bir gapni takrorlayverasiz-ku, – bo'sh kelmadi Sardor.

Butun sinf nafasini ichiga yutib, bu dahanaki jangni oxiri nima bilan tugashini kutib turardi.

Shunda Sarvinoz opa biroz sukut saqlab turdi-da:

– Bo'pti bilag'on, bor, joyingga o'tir, – dedilar va qoshlarini chimirgancha dars boshladilar.

Ertasiga Sarvinoz opa yana sinfimizga kirib keldilar. Bu gal ham barcha ziyraklik bilan kechagi gapni takrorlanishini kutardi.

Ammo o'qituvchimiz tezgina biz bilan salomlashib, darsni boshlab yubordilar.

Demak, ustoz shogirdining gapidan xulosa chiqaribdi-da.

Sarvinoz ALIYEVA,
Andijon Davlat universiteti talabasi.

UCH KLUB FAOLIYATI

«Kamolot» YIH Toshkent shahar va Sobir Rahimov tuman bo'limi homiyligida 249-maktab qoshida «Quvnoqlar va zukkolar», «UNICEF», «Sport va jismoniy tarbiya» deb nomlangan klublar tashkil etildi. Bu klublar allaqachon bolajonlarning sevimli maskaniga aylangan desak aslo mubolag'a bo'lmaydi. Bu yerda o'quvchilarning darsdan bo'sh paytlarini mazmunli o'tkazishayotganini ko'rib, ulardan ayrimlarini suhbatga chorladik.

Madina ORTIQOVA, «Quvnoqlar va zukkolar» klubi sardori:

– Yoshlari-mizning bo'sh vaqtlarini mazmunli o'tkazishlari, o'zaro fikr almashishlari, qiziqarli bahslar asosida bilimlarini boyitishlari uchun turli tadbirlar va kechalar o'tkazib turamiz. Bolajonlarning yaqin sirdoshi, do'sti va maslahatgo'yiga aylangan bu klubimiz faoliyatini yanada kengaytirish maqsadida izlanayapmiz.

Peshonasidagi shapkasiga «UNICEF» deb yozib olgan Zulhumor G'afurova, klub faoliyatini qo'yidagicha izohlaydi:

– Asosiy maqsadimiz onalar va bolalar huquqlarini himoya qilishdir. Ularni turli yuqumli kasalliklardan asrash ham bizning doimiy e'tiborimizda. Shu maqsadda klubimizga tashrif buyurgan bolajonlarni tibbiyot va inson huquqlariga oid turli adabiyotlar hamda jurnallar bilan muntazam ravishda tanishtirib boramiz.

Uchinchi «Sport va jismoniy tarbiya» klubi haqida «Kamolot» YIH Markaziy Kengashi yetakchisi Mahmudxo'ja Sadriddinov shunday deydi:

– Maqsadimiz – yoshlarimizni jismonan kamol toptirish va ularni sog'lom kelajak asosida tarbiyalash uchun ularni bir joyga to'plashdan iboratdir. O'quvchilarimizning jismoniy chiniqishlari uchun turli sport musobaqalari va sport tadbirlari o'tkazib turamiz. Ularning sportga qiziqishi baland. Shu bois ham klubimiz doimiy ravishda bolajonlar bilan gavjum.

Ha, chindan-da maktabdagi ushbu klublarning faoliyati o'quvchilarning qiziqishlarini yanada oshirayotganini guvohi bo'ldik. Buning isbotini bolajonlarning yuzidagi quvonch-u shodlikdan ham sezib olish mumkin. Ular o'zlariga yaratib berilayotgan imkoniyatlardan unumli foydalanish uchun doimiy ravishda klublarning tadbirlari va musobaqalarida qatnashishga harakat qilmoqdalar. O'quvchilar bilan xayrlashar ekanmiz, ertamiz egalarining g'ayrat va shijoatlariga tasannolar aytdik.

Farhod ESHMO'MINOV.



She'r ham sumalakdek bir gap

BIR KIROYI VASAN QOLSIN, BOLANGGA...

Hayhotki, bozor iqtisodiyoti deb atalmish OLG'IRVOY hayotning ich-ichiga kirib boryapti. Ammo, biz xohlaymizmi, yo'qmi, adabiyot ko'ngil ishi. Olg'irvoy ko'ngilga kira olmaydi, u mayxonani zabt etishi mumkin, mayxo'ning burnidan ip o'tkazib, orqasidan qari ko'ppakdek ergashtirib yurishi mumkin, ammo ko'ngilni o'z izmiga bo'ysundira olmaydi. Ko'ngil — sarkash bo'ladi, bolakay misoli beg'ubor bo'ladi ko'ngil...

Keyingi paytlarda she'rlari, qo'shiqlari bilan el nazariga tushib borayotgan shoir O'tkir

Xidirovning "Yangi asr avlodi" nashriyotida chop etilgan "Sadarayhon" nomli she'riy to'plamini mutolaa qilgan chog'imizda ko'ngilda yorug' tuyg'ular uyg'onadi. To'plamdan joy olgan "Meros" nomli birinchi she'rni o'qigan odam shoir mayda manfaatlardan ustun turadi, Olg'irvoy shoirning korxonasini topolmabdi, deb o'ylaysan kishi. Chunki O'tkir Xidirov ko'ngilni bayon etadi, "gonorar"ni o'ylamaydi. Mavzu tanlashdayoq muallifning kimligi namoyon bo'ladi. Bahor haqida, "Ota qurgan uyda uxlayotgan nabira" haqida samimiy so'z aytiladi, oraga tamagirlik aralashmaydi. Bizningcha, har bir she'r alohida-alohida "tushuntirilgandan" ko'ra, o'qigan afzal. She'r ham sumalakdek bir gap, uni tatib ko'rmagan odam mazasini bilmaydi. Quyida shoir O'tkir Xidirovning "Sadarayhon" to'plamidan saralab olingan, qizi Mumtozbeimga atalgan she'rini havola etamiz.



BEGOYIM

Kulib-kulib muloyim,	Bugun zukko bu qizning,
Erkalanar Begoyim,	Ertasi ham umidli.
Bir chiroyli qiz bo'lsin,	Havas qilsin kimki bor,
Omon bo'lsin iloyim.	Dilbar bo'lsin va dildor,
O'z iqbolin kutar u,	Yillar o'tib to'y ko'rsin,
Baxt qo'lidan turar u,	Bir yor bo'lsin vafodor.
Iboda, nazokatda,	Nima desa, deymiz "xo'p",
Parilardan o'tar u.	Tort keltirib ko'pdan-ko'p,
Farosatli va didli,	Qani, bitta she'r aytsin,
Xushtabiat, gul hidli,	Adasining qizi bo'b!

Nabijon BOQIY tayyorladi.

SHE'R AXSTARAYOTGAN MAFTUNA

Maftunaning ko'ngli toshib turgan daryoga o'xshaydi. Chunki uning ko'nglida go'zal she'riyat in qurgan. Hozircha Maftuna she'riyatning bolalik ko'chasida yuribdi. Qalbida tuyg'ular rang-barang tovlanmoqda. Hayotning har bir kunidan she'r axtarayotgan, uni dilining tubiga yashirayotgan shoira qiz ijod bog'ida shovullagisi keladi. Shuning uchundir yaqinda kichikkina ilk she'riy to'plamini chop ettirdi. «Atirgul»ning hidlaridan siz ham bahramand bo'ling.

ATIRGUL

Gullarning ichida sen —
Malikasan, go'zalsan.
Hiding xushbo'y atirdek,
Barcha guldin afzalsan.
Sochimga taqdim seni,
Yarashdingmi atirgul?
Boshimda men ko'tarib —
Yayrayman, quvnaydi dil.



MUALLIM

Jon muallim bizni deb,
Bor bilimni sochdingiz.
Bizning qalbimizga Siz,
Bilimga yo'l ochdingiz.
Tinmasdan mehnat qilib,
O'qitdingiz bizlarni.
Doim yaxshi ko'ramiz,
SIZ aziz ustozlarni.

Maftuna BOYMIRZAYEVA,
Jizzax viloyati, Zomin tumanidagi
60-maktabning 9-sinf o'quvchisi.

ORZULARIM TABASSUM QILSIN

Bahor kelsa, ajib uyg'onish —
Adirlarning yo'qdir qiyosi.
Shabbodaga monand raqs tushar,
Daraxtlarning zumrad libosi.
Hatto toshlar jon bitgan kabi,
Qoyalar ham taqar gulchambar.
Qaldirg'ochning qanotlarida,
Navro'z bizga yuborar xabar.
Oq bulutlar sayr etar ko'kda,
Yomg'ir bo'lib to'kilar sevinch.
Shunday yurtga yarashar bayram —
El farovon, yurti bo'lsa tinch.
Qut-nasiba olib kel, NAVRO'Z,
Olam gulga, mehrga to'lsin.
Qizg'oldoqning g'uncha labida
Orzularim tabassum qilsin.



Laylo SAIDMURODOVA,
Qashqadaryo viloyati,
Yakkabog' tumani.

KO'KLAM — MOHIR MUSAVVIR

— Men bo'sh vaqtlarimda she'rlar mutolaa qilish bilan birga qalam tebratib turaman. Sevimli gazetam «Tong yulduzi»ga bir necha marta maktub yo'llaganman. Qishning ayozli kunlari ortda qolib, bahor kirib kelmoqda. Atrofni ko'm-ko'k maysalar qoplab, ona zaminni yashillikka burkamoqda. Go'zal bahorni mohir musavvirga o'xshatgim keladi. Ana shu go'zallikdan ilhomlanib, ko'klam haqida she'r qoraladim.



Abdulaziz MAMADALIYEV,
Andijon viloyati, Baliqchi tumanidagi
Cho'nqayma qishlog'i.

UODKOR SHOGIRDIA BOR

Men Qashqadaryo viloyatining Muborak tumanidagi 14-maktab o'quvchilariga ingliz tilidan saboq beraman. O'quvchilarim orasida bilimga chanqoq, intiluvchanlari talaygina. Mahliyo Yo'ldosheva ham ana shunday zukko o'quvchilarimdan biri. U 6-sinfda a'lo baholarga o'qibgina qolmay, maktabimiz qoshida faoliyat ko'rsatayotgan «Yosh qalamkashlar» to'garagiga ham muntazam qatnashib keladi. She'riy mashqlari tuman gazetasida chop etilgan.

To'g'ri, she'rlari hali ancha bo'sh. Ammo ularda o'quvchi fikrini jalb qiladigan yangi fikr, tugal bir ma'no bor.

Mahliyoning ana shunday she'riy mashqlaridan sizga ham yo'llayapmiz. Lozim topsangiz-u gazetada chop etsangiz, uning ko'ngli tog'dek ko'tarilib, ijodi yanada gullab-yashnardi.

A. ABDURAIMOV.

BAHOR

Bahor kelsa dov-daraxtlar,
G'uncha ochib gullaydi.
Ko'z-ko'z qilib gulg'unchasin,
Ilk bahorni qutlaydi.
Toqqa borsak, adirlarda,
Gul-lolalar ochilgan.
Yerga oyoq bosib bo'lmas,
Go'yo durlar sochilgan.
Yer-u ko'kda parrandalar,
Chug'urlashib sayraydi.
Bahor kelsa o'lkamizda,
Dilim rosa yayraydi.

Mahliyo YO'LDOSHEVA.



OTA-ONAGA HURMATDA BO'LING

Kimda-kim ota- onasini rozi qilsa, Olloh taolo uning umrini ziyoda qiladi.

(«Hadislar kitobi»dan)

Kuni kecha sinfimizda «Ota-onaga hurmat» mavzusida odobnomadan ochiq dars bo'lib o'tdi. Ustozimiz Nafisa opa Toshxo'jayeva bu mavzuni keng yoritib berdilar. Biz ota-onaga atab yozilgan Navoiy g'azallaridan, taniqli shoir va shoirlarning she'rlaridan yod oldik. O'quvchilar tomonidan ijro etilgan kichik sahna ko'rinishi esa yig'ilganlarda katta taassurot qoldirdi. Ko'cha-ko'ylarda ota-onalariga behurmat bo'layotgan yoshlarga tez-tez ko'zimiz tushib turadi. Agar mana shunday darslar soni ko'paysa, o'quvchilar ongiga hozirdan mana shunday ezguliklar singdirilsa, juda yaxshi bo'lardi.



Gulira'no OBIDOVA,
Toshkent shahar, Yunusobod tumanidagi
17-maktabning 4-«V» sinf o'quvchisi.

BAHOR GULLARI

Kunlarning birida Saida boqqa bordi. U yerdagi turli-tuman gullarni ko'rib, ko'zlari quvnadi. «Bu yil men ham hovlimga shunday chiroyli gullar ekaman», deya ko'ngliga tugib qo'ydi u. So'ng, dugonalaridan turli-tuman gul ko'chatlarini olib kelib, tuvakda parvarish qila boshladi. Biroq, qancha urinmasin, gullar ko'karmadi. Shunda u buvisining oldiga borib:

- Buvijon, gullarim nega ko'karmayapti? Axir ularni tinmay parvarish qilayapman-ku, - dedi.

Shunda buvisi:

-Qizim, gullar ham insonga o'xshaydi. Ularda ham jon bor. Dunyoning jamiki go'zalligi mana shu gullarning taftididir. Sen gul o'stirmoqchi ekansan, kel birgalikda erta bahorda hovliga gullar ekamiz, - dedi.

Saida bahor kelishini intizorlik bilan kuta boshladi. Kunlar iligach, buvisi bilan hovliga gullar ekishdi. Bir kuni dugonasi Diloromning tug'ilgan kuni bo'ldi. U o'zi o'stirgan gullardan guldasta yasab, dugonasiga sovg'a qildi. Dilorom guldastani dasturxonning o'rtasiga qo'yib qo'ydi. Tug'ilgan kunga kelgan boshqa qizlar guldastani kim sovg'a qilganini so'rashdi.

-Saida sovg'a qildi, qarang, chiroyli-a? -dedi Diloromning ko'zlari chaqnab. Shunda Saidam:

-Dugonajonlar, sizlarga ham tug'ilgan kuningizda mana shu gullardan guldasta yasab beraman. Agar gul o'stirishni istasangiz, biznikiga keling, ko'chatlaridan ham beraman, - dedi.

KECHIKKAN MAKTUB

Har yili 8-Mart arafasida bir voqea esimga tushaveradi. Bunga esa salkam 2 yil bo'layapti. O'shanda 8-sinfda o'qirdik. Adabiyot o'qituvchimiz hammamizga bir-birimizni bayram bilan tabriklab, maktub yo'llashimizni aytdilar. Men eng yaqin dugonam Munisaga maktub yo'lladim. Uni bayram bilan tabriklab, kelajakdagi ishlariga omadlar tiladim. Darsdan so'ng, Munisa menga maktubini tutqazdi. Xatni husnixatda yozilganini ko'rib, o'zimniki ko'zimga juda xunuk ko'rinish ketdi.

ertaga berarman sumkamga solib bilan bir necha oxiri ko'nglimdagidek so'nggina xatjildga aktrisasining fotosuratini joylashtirdim. Ertasi kuni Munisani intiq kuta dars tugay desa ham darak yo'q edi. Hamma Men xatni Munisaning ketaman, degan niyatda



Yozgan maktubimni degan niyatda uni qo'ydim. Kechasi qog'ozni bejab yozilgandan solib, ichiga hind h a m maktabga borib boshladim. 4- Munisadan darslar tugadi uyiga tashlab ularnikiga yo'l oldim.

Ichkariga kirsam, Munisaning oyisi Shoira xola o'tirgan ekanlar. Men nima uchun kelganimni aytdim. Shunda ular: -O'rtog'ingni kecha shifoxonaga olib ketishgan. Kechasi bilan yonida o'tirib chiqdim. Kecha dars tayyorlab o'tirib, birdaniga hushidan ketib qoldi, -dedilar yig'lab. -Shifokorlar «yurak porogi» deb tashxis qo'yishdi. Bu gapni eshitgach, qo'limdagi maktubni qanday qilib g'ijimlab tashlaganimni sezmay qolibman. Xullas, maktubim jo'natilmay qoldi. Dugonam bu dardga to'satdan chalinganmi, avvaldan shunday bo'lganmi, tushunmay qoldim. Har safar unga ko'zim tushganida, yuragim achishib ketadi. Ammo yaqinda bir gap eshitdim. Markazimizdagi do'konning direktori Habibullo aka Munisani davolatish uchun poytaxtga olib ketayotgan emishlar. Bu xushxabarni ham 8-Mart arafasida eshitganim menga bir olam xursandchilik olib keldi. Men Munisaga yana xat yozib, kattakon sovg'a bilan berib keldim. Maktubimni jo'natish uchun salkam 2 yil ketgan bo'lsa-da, baribir dugonamning qo'liga yetib bordi-ku. Munisaning baxtiga Habibullo akadek serhimmat insonlar omon bo'lishlarini ich-ichimdan tiladim.

Sabohat MO'MINOVA, Surxondaryo viloyati, Sherobod tumani.

«2006 - yil - Homiylik va shifokorlar yili»

QALB QO'RINGIZ MISEI QUVYOSH MUALLIM

Ustoz! Sahovatli qalb egasi. U kamtarinlik kitobining sarlavhasi. Go'yo minglab nihollarni ildizi baquvvat chinorlarga aylantiruvchi zot. Izlaridan kelayotgan shogirdlarining kamolini, porloq kelajagini ko'rish uning baxti bekamligidir.

Uchtepa tumanida joylashgan 295- umumiy o'rta ta'lim maktabida 1620 nafar o'quvchilar tahsil olishmoqda. Bolajonlarga o'z kasbini ardoqlab kelayotgan 81 nafar malakali o'qituvchilar fan sirlarini qunt bilan o'rgatishmoqda.

Ta'lim maskaniga qadam qo'yarkanmiz, chor-atrofning tozaligi, bir tekisda ekilgan manzarali daraxtlar, bahor qo'ynida yaproq yozishga shaylanayotgan turfa gullar diqqatimizni tortdi. Qo'ng'iroq chalinganidan foydalanib maktab o'quvchilari va ularning fidoiy ustozlarini suhbatga tortdik.

Aziza ADHAMOVA, 11-sinf o'quvchisi: — Ta'lim maskanimizda puxta bilim olishimiz uchun barcha sharoitlar yaratilgan. Yosh fizik, matematik, ona-tili va adabiyot, chet tili kabi fan to'garaklari, volleybol, basketbol, futbol singari to'garaklar bizning ixtiyorimizda. Ingliz tili faniga qiziqqanim bois, ushbu fan to'garagi qatnashchisiman. Kelajakdagi orzuim yetuk tarjimon bo'lish.

Azimjon TOSHMATOV, o'quvchi: — Ustozlarimizning berayotgan saboqlarini jon-qulog'imiz bilan tinglaymiz. Ko'pincha qo'ng'iroq chalinganini ham sezmay qolamiz. Bugungi darsimiz kechagisidan butunlay farq qiladi. Qiziqarli. Shuning uchun ham sinfimizda sababsiz dars qoldirish yoki darsdan qochib ketish holatlari uchramaydi. Sinf doshlarimning barchasi «a'lo» va «yaxshi» baholarga o'qishadi. Maktabni tugatib, harbiy bo'lmoqchiman. Buning uchun sport bilan jiddiy shug'ullanayapman. Jismoniy tarbiya o'qituvchilarimiz Boris Kim, Vladimir Slobodyanskiy boshchiligidagi turli sport musobaqalarini o'tkazayapmiz.

Muqaddas TOSHMIRZAYEVA, o'quv tarbiyaviy ishlar bo'yicha rahbar muovuni: — Ta'lim maskanimizda Bodom Aliyeva, Sanam Alimova, Quvonch Kamolova, Risolat

Avliyoxolova singari bolajonlarning ko'ngliga yo'l topib mehnat qilayotgan ustozlar ko'pchilikni tashkil qiladi. Tajribali ustozlarimizning sa'y-harakatlari bois qator fan olimpiadalarida bolajonlarimiz yuqori natijalarga erishib kelmoqda. Tarix fani bo'yicha «Siz qonunni bilasizmi?» tanlovida tumanda I-o'rinni egallagan Zilola Tursunova, Ziyoda Mamadaliyeva singari o'quvchilarimiz shahar miqyosida II-o'ringa sazovor bo'lishdi. Ona tili va adabiyot fani o'qituvchisi Mavjuda Mullamuhamedova «Eng yaxshi fan o'qituvchisi»



ko'rik-tanlovida qatnashib, shaharda II-o'rinni egalladilar.

Xadicha ALLAYOROVA, kimyo fani o'qituvchisi:

— O'quvchilarimning nigohlaridan dilidagi gaplarini anglayman. Ularning quvonchlaridan quvonib, tashvishlaridan kuyunib yashashning o'zi baxt. Bolajonlarning har birlari o'zining farzandimdek bo'lib qolgan.

Zebo ZIYAMUHAMMEDOVA, maktab rahbari, Xalq ta'limi a'lochisi:

— Maktab — muqaddas dargoh. O'qituvchining vazifasi bolajonlarni faqat yaxshi o'qitish emas, balki ularning ichki dunyosini o'rganish, haqiqiy do'st, eng yaqin sirdosh bo'lishdan iborat. O'z o'quvchisining dilidagini nigohlaridan anglay oladigan ustozgina bolalarning yuragiga yo'l topa oladi. Mavjuda Mullamuhamedova, Ziyoda Mo'minova, Muqaddas Toshmirzayeva, Xadicha Allayorova singari o'qituvchilarimizning berayotgan saboqlaridan nafaqat o'quvchilarimiz, balki ularning ota-onalari ham mamnun bo'lishmoqda. Ta'lim maskanimiz kutubxonasini doimiy ravishda yangi kitoblari bilan boyitib boramiz. O'quvchilarimiz kerakli kitoblarni, gazeta va jurnallarni chetdan emas, aynan shu yerdan olib o'qishadi. Ta'lim maskanimizda ko'rik-tanlovlar, turli kechalar, bellashuvlar tez-tez o'tkazilib turiladi. Barcha sport anjomlari bilan jihozlangan sport zalimizda bolajonlar o'z sog'liklarini mustahkamlashmoqda.

Fursatdan foydalanib yurtdoshlarimni, barcha kasbdoshlarimni 8-Mart bayrami bilan qizg'in tabriklayman. Ularga sog'lik-omonlik tilayman.

Ha, ta'lim maskanida chindan-da o'z kasbini ardoqlayotgan ustozlar ko'pchilikni tashkil qilar ekan. Ular bilan xayrlashar ekanmiz, yosh avlodni tarbiyalashdek xayrli ishda aslo horimang, dedik.

Jamila ERDONOVA.

BIR UCHRASHUV TAASSUROT-LARI

Fevral oyi barchamiz uchun qizg'in, mazmunli oy bo'ldi. Bu oyda ikki buyuk shoir, g'azal mulking sultoni Alisher Navoiy va shoirlikni shohlikdan ustun ko'rgan, «o'zga yurtida shoh bo'lishdan, o'z yurtida gado bo'lishni afzal» bilgan vatanparvar Mirzo Bobur tavalludlari nishonlandi. Maktablarda, oliy o'quv yurtlarida, jajji bolajonlar tarbiyalanayotgan bog'chalarda ham bobolarimiz yodga olindi, g'azal va ruboiylari yangradi. Bizning 274-maktabda ham adabiyotshunos olim, dotsent Suyuma G'aniyeva, shoir, «Hidoyat» jurnali bo'lim mudiri Vafo Fayzullo, darslik muallifi Nazira G'ulomova bilan «Sharqning porloq yulduzlari» deb nomlangan tadbir va shoir bilan uchrashuv o'tkazildi. O'quvchilarimiz «Alisherning bolaligi», «Yulduzli tunlar» asarlaridan sahna ko'rinishlari ijro etishdi, g'azal va ruboiylarni yodlashdi. Shoirning go'zal dastxati bitilgan «Hut», «Mangu lahza» she'riy kitoblarini olib, hozirgacha undan hayratga tushmoqdalar. Hamon olim Suyuma opaning suhbatlarini bir-birlariga aytib yurishibdi.

Navbatdagi yozma ishlardan birida «Uchrashuv taassurotlari» mavzusida insho yozdirdim. Ularning taassurotlarini o'qib quvondim va shunday xulosaga keldim: Olim yoki shoirning bir soatlik suhbat o'qituvchining 10 soatlik darsidan foydalibroq ekan. Zero, faqat tinglash emas, yuzma-yuz suhbatlashmoq nihoyatda zarur ekan. Hamkasblarim, «Tong yulduzi» o'quvchilariga ushbu insholardan ayrim parchalarni ilinib, «Siz ham o'tkazgan uchrashuvlaringiz, tadbirlaringizdan olgan taassurotlaringizni gazetaga yozib yuboring», degim keldi.

Mahmuda VALIYEVA,

Yunusobod tumanidagi 274-maktab o'qituvchisi.



Ochiq dars

USHALMAGAN ORZU

Sinf rahbarimiz Mahmuda opa o'quvchilarga o'zingizni qiziqirgan savollarni tortinmasdan beringlar, dedilar. Shunda bir dugonam Suyuma G'aniyevaga «Ushalmagan orzularingiz?» deb savol berib qoldi. Suyuma opa esa Alisher Navoiyning ushalmagan orzulari haqida gapira boshladilar-u, hamma o'quvchilar kulib yuborishdi. Biz yana takroran «O'zingizning ushalmagan orzularingiz», deb savol bergan edik, ular: «Kimki Navoiyning g'azalini o'qimasa, yodlamasa, shu mening ushalmagan orzuimdir», dedilar.

Dilnoza ISAMUHAMMEDOVA.

NIMA UCHUN «HUT»?

Biz Vafo Fayzullo bilan suhbatlashganimizda ularning kamtarligi, ochiqko'ngilliklari, har bir so'z boshida «Bismillohir rahmonir rahim» deb boshlashlari menda katta taassurotlar qoldirdi. Shoirning bir-biridan ma'nodor she'rlari bizni o'ylantirib qo'ydi.

Biz shoirimizga savollar berdik, ular javob berdilar. Men ularga: «Nima uchun bu kitobingizni «Hut» deb nomlagansiz?» deb savol berdim. «Hamma narsaning boshi bo'lgani kabi oxiri bo'ladi. Yilning oxirgi oyi «Hut» bo'lgani uchun shunday nomlaganman» deb javob berdilar ular.

Farruh AHMEDOV,

9-«V» sinf o'quvchisi.

G'AZAL SEHRI

Nazira G'ulomova bilan bo'lgan uchrashuv menda juda katta taassurot qoldirdi. Ular aytib bergan g'azallar yuragimda she'riyatga bo'lgan qiziqishimni yanada oshirdi. Shundagina g'azal sehri naqadar kuchli ekanligini angladim. Nazira opa kim deysizmi? Ular 6-sinf «Adabiyot» darsligining hammuallifi, Respublika ta'lim markazining bosh mutaxassisi ekanlar.

Ziyoda ISMOILOVA,
9-«V» sinf o'quvchisi.



«Ilm olishdan char-chamagan inson oqillik darajasiga yetishgay», deyishgan aqli donishlar. Shu maqsadda men Mahmuda opa Valiyeva tashkil etgan uchrashuvga kirdim. Bir bo-qishdayoq mening ko'nglimdan joy olgan inson bu Suyuma

G'aniyevadirlar.

KASBIGA SADOQATLI AYOL

Ularning naqadar samimiy va sofdil inson ekanliklarini suhbat davomida bilib oldim. G'ayratli va shaddod ayolga to'g'risi havas qildim. Leningradda o'qib kelganlarini eshitgach, havasim yanada ortdi. Kasblariga bo'lgan sadoqat va mehnat ko'rib, ularning o'rnlarida bo'lgim keldi. Dunyo kezib, o'zbek degan nomni tanishtirish hammamizga nasib etsin.

Suyuma opa: «Yana kelaman», dedilar. Suyuma opa, tezroq keling, siz bilan suratga tushib, suhbatingizdan bahramand bo'lishga intizorman.

Nigora KOMILOVA.

USHALMAGAN ORZULARINI RO'YOBGA CHIQARMOQCHIMAN

Maktabimizda navoiyxonlik va boburxonlik kechalari bo'lib o'tdi. Bu kechamizga Suyuma G'aniyeva ham tashrif buyurdilar. Biz ularga savollar berdik. Savollarga javob bera turib, ular: «Bir orzuim bor. Kelajakda sizlarning orangizdan bitta bo'lsa ham navoiyshunos yetishib chiqsa, armoni yo'q inson men bo'lardim», dedilar. Kelajakda men ham navoiyshunos olim bo'lib, Suyuma opaning dillari ezgu istaklarini ro'yobga chiqarmoqchiman.

Nigora YUNUSJONOVA.

«XAZON YAPROG'I

YANGLIG' SARG'AYDIM»

Latofatli va xushchaqchaq olim Suyuma G'aniyeva bizga «Xazon yaprog'i yanglig'» g'azalining yaratilish tarixini so'zlab berdilar.

Universitetga borar ekanlar yo'lda xazon barglarini ko'rib, ularning go'zalligini, shafaqqa o'xshab yonib turganini ko'rib, bosib keta olmabidilar. Yaproqlarni bosmay deb balerinaday oyoq uchida yurib ketibidilar. Negaki, Bobur g'azalidagi kabi «xazonlar oyoqlariga bosh urib yolborar emish». Sarg'aygan xazonlar Bobur nolasi emish. Ta'sirchan, yurgan-turganda ham Boburdek buyuk shoirni unutmaydigan olimaga havasim keldi.

Tadbiridan chiqib, maktab tomon yo'l oldim va oyog'im ostidagi niholni ko'rib, uni bosmay chetlab o'tdim.

Nargiza JALILOVA,
9-«V» sinf o'quvchisi.

KAMTARGA KAMOL

Shoir Vafo Fayzulloning menga bir ajoyib hislatlari yoqdi. Ular o'ta kamtarin, kamgap, ajoyib fazilatlarining egasi ekanlar. Ularning kamtarliklari she'r o'qiyotganlarida ham, gap-so'zlarida ham sezilib turardi. She'rlari ham bir-biridan ajoyib, qiziqarli ekan. Ularning shiorlari «kamtarga kamol» bo'lsa, hech ham ajablanmas edim.

Fotima JAMOLOVA,
9-«A» sinf o'quvchisi.

Suhbat davomida

—Siz Leningradda

Ma'lumki, 40-yillardan

ayollari uchun chet elga borib o'qish imkoniyati ochilgan. Sizning Leningradga borib o'qishingizga qarshiliklar bo'lmaganmi? — deb savol berdim. Ular shunday deb javob berdilar:

—Yo'q, men oilada yolg'iz farzand bo'lganman va albatta erka bo'lganman. Shuning uchun ham

ota-onam qarshilik bildirishmagan.

Hozir yoshlar uchun keng imkoniyatlar ochilgan, lekin ota-onalar farzandlarini uzoqqa ketkazgilari kelmaydi. Rozi bo'lishsa ham ming bir xavotirda o'tirishadi.

Yana bir do'stimning «Armoningiz bormi?» degan savoliga ular: «Hozircha barcha orzularim ro'yobga chiqmoqda. Lekin sizlar — kelajak avlod Alisher Navoiy va Zahiriddin Muhammad Bobur g'azallarini yod olmasangiz, dostonlarini o'qimasangiz, mening armonim bo'lib qoladi», deb javob qaytardilar. Biz esa ularga «Barcha orzularingizni ushaltiramiz», deb va'da berdik.

Gulnoza J.

VA'DA BERDIK

Suyuma opaga:

o'qigan ekansiz.

so'ng o'zbek

ayollari uchun chet elga borib o'qish imkoniyati ochilgan. Sizning Leningradga borib o'qishingizga qarshiliklar bo'lmaganmi? — deb savol berdim. Ular shunday deb javob berdilar:

—Yo'q, men oilada yolg'iz farzand bo'lganman va albatta erka bo'lganman. Shuning uchun ham ota-onam qarshilik bildirishmagan.

Hozir yoshlar uchun keng imkoniyatlar ochilgan, lekin ota-onalar farzandlarini uzoqqa ketkazgilari kelmaydi. Rozi bo'lishsa ham ming bir xavotirda o'tirishadi.

Yana bir do'stimning «Armoningiz bormi?» degan savoliga ular: «Hozircha barcha orzularim ro'yobga chiqmoqda. Lekin sizlar — kelajak avlod Alisher Navoiy va Zahiriddin Muhammad Bobur g'azallarini yod olmasangiz, dostonlarini o'qimasangiz, mening armonim bo'lib qoladi», deb javob qaytardilar. Biz esa ularga «Barcha orzularingizni ushaltiramiz», deb va'da berdik.

Gulnoza J.



dastxatli bo'lib

goldim.

ISHONCHIM ORTDI

Ular menga shunday dastxat yozib berdilar: «Dilmurodjon! O'zingizga ishonchingiz hamisha kuchli bo'lsin». Uyga borib o'zimga bo'lgan ishonchimni sinab ko'rdim. Shundan so'ng har bir ishni o'zimga judayam ishongan holda qiladigan bo'ldim. Shoirning dastxati, o'qib bergan she'rlari meni juda ruhlantirib yubordi.

Dilmurodjon ORTIQOV,
9-«V» sinf o'quvchisi.

Vafo Fayzullo

bilan bo'lgan

uchrashuvdan katta

taassurot oldim va ajoyib

SHOIR DASTXATI

Shoir bilan uchrashdim,

Berolmadim savolim.

Qanday tanlarkan matn?

Birdan ketar xayolim.

Mayli, deya rostlandim,

She'r yozishga shaylandim.

Shoir bilan uchrashuv

Qissasidan boshladim.

Mastura

SAYIDALIXO'JAYEVA,

9-«A» sinf o'quvchisi.

SHAXMATNING HAQIQIY -FANAT-I

Ayollar bayrami 8-Martni boysunlik Navbahor Omonova nasib qilsa qo'shaloq sovg'alar bilan kutib oladi. U shu kunlarda poytaxtda. Sababi, Navbahor va uning do'stlari 12 yoshlilar o'rtasida o'tayotgan shaxmat birinchiligida kuch sinashmoqdalar. Ushbu bellashuv bahslari poytaxtimizning Abdumannop Raupov nomidagi 15-ixtisoslashgan olimpiya Bolalar va o'smirlar sport maktabida bo'lib o'tyapti. Bu musobaqada 1-o'rinni olgan o'quvchilarga katta imkoniyat berilgan. Ya'ni, 1-o'rinni egallagan jahon chempionatiga, 2-o'rinni olgan shaxmatchi esa Osiyo chempionatiga chiqish uchun yo'llanma egasi bo'ladi. Navbahor birinchi kungi o'yinda durang natijani qo'lga kiritdi, ikkinchi kungi bahsida u raqibasiga 1 ochkoni «sovg'a» qildi. Navbahor iqtidorli shaxmatchi qiz. U Boysun tumanining Sariosiyo qishlog'idagi 3-maktabning 3-sinf o'quvchisi. Maktabda a'lo baholarga o'qiydi. Shaxmatning shvetsariya usulida o'ynaydi. Viloyatning 10 yoshlilari o'rtasida 1-o'rin egasi. 12 yoshlilar bo'yicha esa 2-o'rinda turadi. Biz Navbahorga ishonamiz. Ertaga bo'ladigan musobaqaning final qismida unga yana omadlar tilaymiz.

Komil RAHMATULLIN,

Surxondaryo viloyati, Denov tumanidagi shaxmat maktabining Bosh murabbiyi.

«Qiz bolaga qirq hunar ham oz deganlaricha bor ekan. Chunki qizlarimiz maktabda a'lochi, namunali o'quvchi bo'lish bilan birga uyda mehribon onasiga ko'makchi hamdirlar. Yana sport sohasida ham ulkan yutuqlarga erishishni-da uddalashmoqda ular.

Bugun ana shunday go'zallik hamda nafosat sohibalari, sportimizning bugungi va bo'lajak malikalari haqida so'z yuritamiz.

**AYYOMINGIZ MUBORAK, AZIZ
SPORTCHI QIZLAR!**

Sportimiz malikalari

Madinabonu Razzoqova 1999-yilda tug'ilgan. Bu jajigina qizcha karatening «kata» mashqlarini shunday nafislik bilan bajaradiki, beixtiyor hayratlanasiz. Shu boisdanmi, 2005-yil sentabr oyida o'tgan karate bo'yicha O'zbekiston kubogi hamda yaqinda tashkillashtirilgan mamlakat chempionati bahslarining ochilish marosimida aynan Madinabonu o'z ko'rgazmali chiqishlarini namoyish etdi. Onasidan «Nega qizingizni karatega bergansiz?», deb so'raymiz.

— 1999-yil poytaxtimizda Vatan xoinlari tomonidan portlashlar sodir etilib, bir nechta binolar zararlangandi. Xuddi shu vaqtda Madina dunyoga kelish arafasida edi. Bu voqealardan juda yomon ta'sirlandim. Kechki payt oynayi jahonda O'zbekistonning bir qator taniqli kishilarining voqeaga munosabat bildirganini ko'rsatishdi. Ular orasida O'zbekiston karate Milliy Federatsiyasi prezidenti Nurxon Nafasovning «Xavotirga aslo o'rin yo'q. Biz, O'zbek karatechilari mustaqil Vatanimiz, Prezidentimizni himoya qila olishga qodirmiz», deb aytgan

o'g'il ko'rsak, uni albatta karatechi qilamiz», deb niyat qildim. Biroq, qiz tug'ildi. Ammo onaning ruhiyati farzandiga ham ta'sir ko'rsatadi shekilli, Madinabonuda karatega qiziqish kuchli bo'ldi. U jajigina bo'lsa-da, ustozlari ko'rsatmasini jon qulog'i bilan tinglaydi. Hatto fe'l-atvorida ham sportga muhabbatni ko'rish mumkin. Masalan, kuzda musobaqa oldidan shamollab qolgandi. Yig'lab hech dori ichmasdi, musobaqagacha tuzalay deb shu kundan boshlab shifokor yozib bergan dorilarning barchasini ichdi. Tezda tuzalib ketdi...

Madinabonu garchi yoshi kichik bo'lsa-da, «Jar»da o'tgan O'zbekiston chempionatida ishtirok etdi va tashkilotchilar tomonidan «G'alabaga bo'lgan ishonchi uchun» mukofotini qo'lga kiritdi.

Akmal ABDIYEV,
Sport jurnalisti.

SPORTCHINING SINGLISI

Ma'mura Ashurova Samarqand viloyatining Ishtixon umani, Mitan qo'rg'onida yashaydi.

12 yoshidan karate bilan shug'ullanadi. Sportning bu turini tanlashiga uning akalari sababchi. 2000-yilda akalari ergashib mahalladosh qizlar bilan birgalikda karate to'garagiga qatnagan Ma'mura viloyat miqyosidagi urli musobaqalarda o'z mahoratini oshirib bordi. 2002-yil sentabr oyida esa ilk bor Respublika musobaqasida, O'zbekiston kubogi bahslarida qatnashdi. Natijada «Yaxshi ishtiroki uchun» diplomi bilan taqdirlandi.

2003-, 2004-, 2005-yillar davomida uning tajriba va natijalari oshib bordi. O'zbekiston chempionati va kubogi, Markaziy Osiyo chempionati bahslarida Ma'mura o'z vaznida finalgacha yetib kelib, kumush medal sohibasi bo'ldi. 2006-yilgi O'zbekiston chempionati uning uchun juda ahamiyatli bo'ldi. Chunki Ma'mura barcha aqiblarini mag'lub etib, ilk bor O'zbekiston chempionatining oltin medaliga sazovor bo'ldi.

— Ma'mura, mana bu yil ilk bor o'z tengqurlaringiz orasida chempion bo'ldingiz. Sizni taqdirlashayotganda qayolingizdan nimalar o'tdi? — so'raymiz undan.

— Qattiq hayajonlandim. Hali o'ta-onam, yaqinlarimning bundan cabari yo'q. Uyga qaytsak, juda kursand bo'lishlarini his



qilyapman. Avvalo, g'alabaga erishishimga katta hissa qo'shgan ustozim Kamoliddin Yaxshiboyevga cheksiz minnatdorchilik bildiraman. Uning mehnatlari va menga

bo'lgan ishonchini oqlashga harakat qilaman.

— Har bir sportchining «kumiri», ya'ni, eng sevimli sportchisi bo'ladi. Siz kimga o'xshashni xohlaysiz?

— Men karate bo'yicha mamlakatimizning eng kuchli karatechilaridan Sofiya Kaspulatovaga juda havas qilaman. Chempion bo'lganimdan so'ng u bilan suratlarga tushdim.

Ustozim aytdilarki, endi meni xalqaro musobaqalarga ham olib borishar ekan. Niyatim, Xalqaro maydonlarda ham Sofiya opaga o'xshab Vatanimiz bayrog'ini baland ko'tarish, g'alabalarga erishish.

Tengdoshimni ichki ishlar xodimi libosi yarashib turgan holatda ko'z oldimga keltirib, orzulari ijobatini tilab keldim.

Xurshida BOYMIRZAYEVA suhbatlashdi.

OPA - SINGILLAR ZAFARI

Yaqinda Latviyaning Riga shahrida stol tennisi bo'yicha nufuzli xalqaro turnir bo'lib o'tdi. Unda mezbonlar Estoniya, Litva, Germaniya, Rossiya, Finlyandiya hamda bizning mamlakatimizdan 200 nafar sportchi turli yosh guruhlariga bo'lingan holda musobaqalashdilar.

Shuni quvonch bilan aytish mumkinki, mazkur Xalqaro turnir bizning sportchilarimiz uchun g'oyat omadli yakunlandi. Ayniqsa, opa-singil Shahnoza va Nodira Burxonxo'jayevalar katta opalari Saidaga munosib izdosh bo'layotganlarini namoyish etishdi. Nodira 14 yoshgacha bo'lgan qizlar o'rtasida 1-o'rinni qo'lga kiritgan bo'lsa, Shahnoza 18 yoshgacha bo'lganlar orasida faxrli 3-o'rinni egalladi. Bu bellashuvlarda vakillarimiz juda kuchli o'yin namoyish eta oldilar.

Ma'mura MADRAHIMOVA.



[illegible]



"MEN "JUJULI" MINAMAN..."

yo'q, san'atkorlarning bo'sh vaqti umuman bo'lmaydi, hisob. Zarur yumushlarini bir chekkaga surib, biz uchun vaqt ajratganidan xonandaning kamtarin inson ekanligini anglagan bo'lsak, bolalik xotiralarini tinglab, samimiy va xushchaqchqligiga ham amin bo'ldik.

- Bolaligimda juda sho'x, o'yinqaroq bo'lganman, - deya xotirlaydi Rashidjon.

Uzzu-kun avvalgi GUM do'konining

atroflarida, Sirk maydonida o'ynab

yurardik. Ayniqsa, do'konning

eskalatorida uchishni juda yaxshi

ko'rardim. Har kuni yuqoriga qarab

harakatlanadigan zinalarini bir kuni

ta'mirlashayotgan ekanmi, pastga qarab

harakatlanayotgan ekan. Bundan bexabar

yugurib borib unga chiqib olibman. 5-6 zina bosganimni bilaman, orqaga

yiqlib, o'tirib qoldim. Qolganini aytmay

dada?..

- Rashid

qanday qilib

yuborganingizni ham gapirib bering, - deya kulib suhbatimizga qo'shildi

Saidaxon.

- Ha-ya, 12 yoshimda dadam yangi velosiped olib bergandilar. Uchib

yursam, ikki bola kelib, veligingni bir pasga berib tur, shunday

Sirkka borib kelay, birov kutib turgandi, do'stim

sening yoningda turib turadi, deb qoldi. Men

berdim. Haligi bola g'izillab uchib ketdi.

Oradan allaqancha vaqt o'tsa hamki undan

darak bo'lavermadi. Yonimda turgan

do'sti ham toqatsizlana boshladi va

menga qarab: «Sen Sirkning yoniga

borib qarab kel-chi, nima balo, yiqlib-netib

qolmadimikin, ishqilib. Men shu yerda

turib turaman», deb qoldi. Oyog'imni

qo'linga olib yugurib ketdim. Tabiiyki, u

bolani topa olmadim. Qaytib kelsam, do'sti ham

«quyonning rasmi»ni chizib ketibdi. Sodda

ekanmiz-da...

Barchamizni kuldirib, dadalaridan fotiha

olib, xizmatga chog'lanayotgan Rashidjonni

yana savolga tutdik:

-Sanjarbek siz kabi san'atkor bo'lishni orzu qilarkan. Ko'pchilik

san'atkorlar mashaqqatli kasb bo'lgani uchun ham farzandlarining bu

sohadan ketishlarini unchalik xohlashmaydi. Siz o'g'illaringizga qanday

maslahat bergan bo'ladingiz?

- Aytinch, qaysi kasbning qiyinchiligi yo'q? Mashaqqatlardan

cho'chimagan insonlarga biror narsaga erishishlari mumkin. O'g'lim menga

hayas qilibdimi, niyatiga yetsin. Mendan ham yaxshiroq san'atkor bo'lsin...

Rashidjonning niyatlariga biz ham sherik bo'ldik. Farzandlari ham

qanchalar mashhur bo'lishmasin, xuddi dadalaridek kamtarin, samimiy

inson bo'lib qolishlariga chin dildan tilakdosh bo'ldik.

Feruza JALILOVA suhbatlashdi.

Aziz bolajonlar, Rashid akangizning o'g'li Sanjarbekka

bag'ishlab kuylagan «Tug'ilgan kun» nomli qo'shig'i yodingiz-

dami? Dadasi:

- O'g'lim, tug'ilgan kuningga nima olib beray?-degan

savoliga 3 yoshli jajji Sanjarbek, «Tiko!» deya javob bergandi...

Hozir ana shu bolakay ancha ulg'ayib qolgan.

Yaqinda uning tug'ilgan kuni bo'libdi. Shoir bobojonisi

nabirasiga atab quyidagi she'rni yozibdilar:

SANJARGA
(QO'SHIQ)

Sakkiz yoshga to'lding sen bugun! Yana o'sgin, bo'lgan sog'-omon,

Sanjar bolam, baxtli bo'l doim. Quyosh kabi porlagin gulgun!

Yuzingdan hech ketmasin kulgu, Hamma seni qutlar begumon,

Panohida saqlar Xudoyim. Sanjartoyim, sen tug'ilgan kun!

Tiling burro, aqling joyida, Kattalarga doim quloq sol,

Seni sevib maqtamay nechun? Ustozingdan yaxshi saboq ol.

Yaxshi o'qish senga qoida, Yaxshi xulqli, odobli bo'lgil,

Tabriklayman sen tug'ilgan kun! Sahnadagi poyqadaming muborak!

Turg'un XOLIQOV.

Odatda biror san'atkor bilan suhbatlashmoqchi bo'lsak, uni tahririyatimizga taklif qilardik. Bu safar an'anamizga biroz o'zgartirish kiritdik. Katta-yu kichikning sevimli san'atkori bo'lmish tanig'li estrada xonandasi, O'zbekistonda xizmat ko'rsatgan artist Rashid Xoliqov bilan suhbatlashish uchun «Gulxan» jurnali mas'ul kotibi Mirvosil aka Odilov bilan birgalikda uning xonadoniga tashrif buyurdik. Maqsadimiz - nafaqat san'atkorning o'zi, balki uning farzandlari bilan ham yaqindan tanishish edi. Omadni qarangki, ota-o'g'illar hali ishga, o'qishga ketishga ulgurishmagan ekan. Faqatgina oila kenjatoyi Temurbek «ishda», ya'ni, bog'chada ekan. Men ular bilan suhbatlashdim, Mirvosil aka suratga tushirdilar.

Bizni kiraverishda Rashidjonning dadalari Turg'un aka Xoliqov iliq qarshi oldilar. Umr bo'yi yengil sanoat xodimi bo'lib ishlagan bo'lsalar-da, adabiyotga, she'riyatga mehlari bo'lakcha ekan bu insonning. 2004-yilda «Ko'ngil mavjlari» nomli she'riy to'plamlari chop etilgan bo'lib, yana bir to'plamlari bosmaga tayyorlanayotgan ekan. Nabiralari Sanjarbek kuylagan «Men maktabga boraman», «Mama» nomli qo'shiqlar muallifi ham Turg'un akaning o'zlari ekanlar.

Bobo bilan suhbat jarayonida atrofimizda girdikapalak bo'layotgan Sanjarbek va Islombekning xatti-harakatlarini ham nazardan qochirmadik, fe'l-atvorini kuzatdik. Mirzo Ulug'bek tumanidagi 50-maktabning 3-sinfida a'lo baholarga o'qib kelayotgan Sanjar tabiatan og'ir-vazmin, kamgap, mulohazali, biroz tortinchoqroq bola ekan. Kelgusidagi orzularini so'rasak, xuddi dadasidek estrada xonandasi bo'lish niyatida ekanligini ham uyalib-uyalib zo'rg'a aytdi. Shu maktabning 2-sinfida tahsil olayotgan tabiatan juda sho'x, biroz qaysarroq, o'jarroq bo'lgan Islombek esa kelgusida Shohruh reperdek qo'shiqchi bo'lmoqchi ekanligini hali so'ramasimizdan avvalroq aytdi-qo'ydi.



Sanjarbek va Islombek bobosining nasihatlarini bajonidil tinglashadi.

Sanjarga oyijonisi pishirgan somsalar, sho'rva va gummalar yoqarkan, Islom esa ovqat tanlamas, hammasini birdek yoqtirarkan.

Sanjar til o'rganishga, Islom boks va karatega qiziqarkan.

Oila kenjatoyi 4 yoshli Temurbek haqida esa onasi Saidaxondan so'rab bilib oldik. Aytishlaricha, Temur Sanjar bilan o'ynasa og'ir-bosiq, Islom bilan o'ynasa sho'x-olov bola bo'lib qolarkan. Har birining «Shrek», «Xalk», «Bass» singari o'z sevimli multfilm qahramonlari bor ekan...

Bolalar haqida-ku, ko'p narsalarni bilib oldik. Sevimli san'atkorimizning bolaligi haqida ham bilgimiz kelib, bu haqda gapirib berishni Turg'un akadan iltimos qilganimizda, ularning chehralariga iliq tabassum yugurdi.

- Rashidjon 5 nafar farzandimning to'rtinchisi. Sanjarbekni ko'ring-u, Rashidning bolaligini ko'z oldingizga keltiravering. Buvisining erkatoyi bo'lsa-da, tantiq bola bo'lmagan. Men ham, onasi ham ko'pincha ishda bo'lardik. Telefon orqali ovqat qilishni o'rgatib turardim, u esa o'zi mustaqil pishirardi. «Buvim aytdilar, katta bo'lsam albatta jujuli minarkanman», deb yurardi doim...

Shu payt biz o'tirgan xonaga Rashidjon kirib keldilar. O'zingizdan qolar gap

TONG
yulduzi

O'zbekiston Respublikasi
bolalari va
o'smirlarining gazetasi

BOSH MUHARRIR:

Umida

ABDUAZIMOVA

TAHRIR HAY'ATI:

Turobjon JO'RAYEV,

Dilbar OLIMJONOVA,

Botir UBAYDULLAYEV,

Jabbor RAZZOQOV,

Anvar ZOKIROV,

Dilmurod RAHMATILLAYEV,

Dilshoda DADAJONOVA,

Sobirjon SHARIPOV,

Feruza JALILOVA

(Bosh muharrir o'rinbosari),

Nurxon NAFASOV,

Ergashvoy SARIQOV.

Gazeta O'zbekiston

Matbuot va axborot

agentligida

022-raqam bilan

2003-yil 11-dekabrda

ro'yxatdan o'tgan.

Noshir

«O'zbekiston»

nashriyot-matbaa

ijodiy uyi.

Gazeta

«O'zbekiston»

nashriyot-matbaa

ijodiy uyi

kompyuter bo'limida terib

sahifalandi va

chop etildi.

Gazeta haftaning dushanba

kuni chiqadi.

Hajmi A-3,

2 bosma taboq.

Adadi - 61158

Buyurtma N: J 2121

Dizayner va sahifalovchi:

Fazliddin

SHAYADGAROV.

Navbatchi:

Ma'mura

MADRAHIMOVA.

Rassom:

Nodira MIRZAYEVA.

Manzilimiz:

700129,

Toshkent shahri,

Navoiy ko'chasi, 30-uy.

Obuna indeksi: 198.

e-mail:

tong_yulduzi@rambler.ru

Tel: 144-23-81

144-24-45

144-63-08

Tel./ faks:

(99871) 144-24-45